

U skladu sa zakonom o slatkovodnom ribarstvu Federacije Bosne i Hercegovine (Sl.novine FBiH 64/04) , a na osnovu Ribarske osnove i Revizije ribarske osnove ribolovnog područja ribolovne zone Mostar na koju smo dobili saglasnost od Federalnog Ministarstva poljoprivrede, vodoprivrede i šumarstva broj: 03-3-24/3-390/19 od 08.04.2019 god. i godišnjeg programa unapređenja ribarstva i upravljanja u ribolovnoj zoni Mostar, USR „Neretva 1933“ je utvrdila dodatne mjere za zaštitu ribolovnog područja.

REŽIM RIBOLOVA

1.

Na svim tekućim vodama koje pripadaju ribolovnom području Grada Mostara određuje se lovostaj na sve vrste riba u periodu od 01.11. – 31.03.

2.

Na jezerima Grabovica, Salakovac i HE Mostar, koje pripadaju našem ribolovnom području određuje se lovostaj na sve vrste pastrmki u periodu od 01.11. – 31.03.

3.

Na vodama koje pripadaju ribolovnom području Grada Mostara pored lovostaja određenog u tački 1. i tački 2. ove odluke, lovostaj za pojedine vrste riba je propisan Pravilnikom o načinu, alatima i sredstvima kojima se obavlja ribolov (Sl. novine F BiH br.63/05, od 02.11.2005.g.) i Pravilnikom o izmjenama i dopunama pravilnika o načinu, alatima i sredstvima kojima se obavlja ribolov (Sl. novine F BiH br.31/09, strana 26, od 06.05.2009.g.), te se isti primjenjuje mimo navedenog termina lovostaja (01.11. – 31.03.) u tački 1. i tački 2. ove odluke.

PRIVREMENA ZABRANA na određene ribolovne vode

Proglašava se privremena zabrana na dijelu ribolovnih voda na lokalitetima:

- Bunica,
- Jesenica,
- Radobolja,

a mjere zabrane ribolova u navedenim ribolovnim vodama donose se u trajanju 5 godina, odnosno do dana potvrđivanja revizije ribarske osnove.

PRIVREMENA ZABRANA na određene vrste riba

Proglašava se zabrana ribolova koja se odnosi na sljedeće autohtone vrste riba:

- glavatica (*Salmo marmoratus*) - u trajanju 5 godina;
- zubatak (*Salmo dentex*) – u trajanju 5 godina;
- lipljen (*Thymallus thymallus*) - u trajanju 5 godina;
- neretvanski peš (*Cottus ferrugineus*) – trajna zabrana;
- neretvanski vijun (*Cobitis narentana*) – trajna zabrana.

Zabrane se odnose na sve ribolovne vode, osim ribolovnih revira, u kojima je uspostavljen poseban ribolovni režim i posebne mjere zaštite i očuvanja autohtonih i alohtonih salmonidnih vrsta riba.

DODATNA ZAŠTITA AUTOHTONIH VRSTA RIBA

U cilju dodatne zaštite autohtonih vrsta riba, a na osnovu Statuta član 4. stav 3, 4, 5, 6, 7 Upravni odbor USR “Neretva 1933” Mostar je donio odluku o stavljanju dijela rijeke Bune, od Kosorske jame nizvodno do ušća Bunice u Bunu (do restorana Kolo), u poseban režim ribolova. Bitno je naglasiti da se ovaj dio toka ni na koji način ne izdvaja iz postojećeg načina upravljanja vodama u ribolovnoj zoni Mostar, osim što se na tom dijelu rijeke Bune ribolov obavlja isključivo mušičarskim

štapom, šnjurom, uz upotrebu jedne mušice bez kontra kuke i bez dodatnog otežanja, sa dužinom predveza koja je jednaka maksimalnoj dužini dva štapa, uz obavezno puštanje svake autohtone ribe. Na tom dijelu dozvoljen je ribolov za sve članove USR “Neretva 1933” Mostar s tim da se pridržavaju internog pravilnika i kodeksa ponašanja, koji će biti naknadno urađen u skladu sa pravilima međunarodne ribolovne FIPS-MOUCHE Federacije, poštujući i ostale relevantne zakonske odredbe.

TRAJNA ZABRANA- zaštita posebnih staništa

Odlukom UO USR „Neretva 1933“ proglašava ribljim plodištima sl.vodene tokove:

- Drežanku, od ušća u Salakovac uzvodno do igrališta (cca 2.000 m), uzgojni vodotok za potočnu pastrmku, mekousnu neretvansku pastrmku i glavaticu,
- Drežanku, Turkića most do izvora,
- Jaševac, od ušća u Drežanku, cijeli tok,
- Neretvu, od brane HE Grabovica do mosta,
- Neretvu, od brane HA Salakovac do tunela u Bučićima, uzgojni vodotok za potočnu pastrmku, mekousnu neretvansku pastrmku, glavaticu,
- Neretvu, od željezničkog mosta u Rašanima do Bakine luke (Skakala), uzgojna voda za potočnu pastrmku, mekousnu neretvansku pastrmku i glavaticu,
- Neretvu, od Carinskog mosta nizvodno do mosta Musala (cca 400 m) uzgojna voda za potočnu pastrmku, mekousnu neretvansku pastrmku i glavaticu,
- Neretvu, ušće Bune u dužini 300 m, uzvodno od ušća 100 m i nizvodno do Cvetkova Limana 200 m, uzgojna voda za potočnu pastrmku, mekousnu neretvansku pastrmku i glavaticu (Bunski kanali),
- Bunu, od izvora do mosta za Vranjeviće (dužina cca 1.200 m), uzgojna voda za mekousnu neretvansku pastrmku i potočnu pastrmku,
- Jasenicu, od ušća u Neretvu uzvodno 300 m, uzgojna voda za potočnu pastrmku, mekousnu neretvansku pastrmku,
- Radobolju, cijelim tokom, uzgojna voda za potočnu pastrmku, mekousnu neretvansku pastrmku.

Komisija za zaštitu ribljeg fonda se obavezuje da vidno obilježi posebna područja odnosno riblja plodišta tablama i drugim oznakama i na taj način upozori građane i ribolovce na područje ribljeg plodišta. U ribolovnim revirima zabranjeno je vaditi šljunak, pijesak, kamen, panjeve, zahvaćati ili crpiti vodu i vršiti druge radnje koje plaše ili ometaju ribe, tijekom cijele godine.

DOPUŠTENE KOLIČINE I DUŽINE ULOVA RIBA

Vrsta	dozvoljeni ulov	min. dužina
Dužičasta pastrmka	4 (četiri) komada	25cm
Potočna pastrmka	2 (dva) komada	25cm
Neret. mekousna pastrmka	1 (jedan) komada	30cm
Šaran	3 (tri) komada	35cm
Linjak	1 (jedan) komad	20cm
Smud	3 (tri) komada	40cm
Bijeli klen	3 (tri) komada	20cm
Strugač	3 (tri) komada	20cm
Glavatica	zabranjen izlov	ZABRANA

Zubatak	zabranjen izlov	ZABRANA
Lipljen	zabranjen izlov	ZABRANA

- Ukupni dnevni ulov salmonidnih vrsta riba ne smije prelaziti 3 komada po izlasku, izuzev ako su u ulovu kalifornijske pastrmke.
- Uvođenje mjera stalne ili privremene zabrane ulova gdje se ocjeni da je to potrebno u skladu sa godišnjim izlovom.
- Za zubatka, glavaticu i lipljena zabrana za cijelu godinu.
- Izlov strugača se ne smije vršiti u akumulaciji Grabovica, u Neretvi od Salakovca do akumulacije Mostar, te u rijeci Drežanki i dijelu Salakovca gdje se ulijeva rijeka.
- Ograničen izlov salmonida vrijedi do ispunjenja godišnje dopuštenog izlaska.
- Cipridne ribe se mogu loviti: šaran, linjak po jedan komad, a bijeli kljen i strugač po tri komada ili ukupno šest komada, ali da nije taj dan bilo izlova autohtonih salmonidnih riba.
- Kalifornijska pastrmka se može izlovljavati po četiri komada po izlasku, a smud može u maksimalnom dopuštenom broju komada ukupnog dnevnog ulova.
- Za dnevni ulov smuda moguće je prekoračiti dozvoljeni dnevni izlov, jer takva mjera može samo pozitivno uticati na ostalu ihtio faunu.

VRSTE I NAČIN UPOTREBE DOPUŠTENIH RIBOLOVNIH SREDSTAVA

1.

Sve tekuće vode u ribolovnoj zoni Mostar proglašavaju se salmonidnim vodama, te je na istim dozvoljen ribolov na sve vrste riba (salmonide i cipride) uz upotrebu mamca za salmonidne vrste riba.

2.

U salmonidnim ribolovnim vodama smiju se koristiti ribolovni alati za salmonidne vrste riba propisani članom 9. Pravilnika o načinu, alatima i sredstvima kojima se obavlja ribolov. Sportsko-rekreativni ribolov salmonidnih vrsta riba smije se obavljati samo jednim ribolovnim štapom koji smije imati najviše jedan umjetni mamac (mušicu ili varalicu) bez utega.

3.

Sva jezera u ribolovnoj zoni Mostar pripadaju salmonidno-cipridnim vodama, te je na istim dozvoljen ribolov na uz upotrebu odgovarajućeg mamca.

4.

Prema Pravilniku i izmjenama i dopunama Pravilnika o načinu, alatima i sredstvima kojima se obavlja ribolov (član 8.) sportsko-rekreativni ribolov na cipridnim (šaranskim) vodama smije se obavljati s najviše dva ribolovna štapa sa po dvije udice i jednim ribolovnim štapom s plovkom i jednom udicom.

5.

Također i sve druge vrste riba koje ne pripadaju salmonidnim vrstama, a koje žive u salmonidnim vodama ribolovne zone Mostar (klen i druge vrste), smiju se loviti isključivo ribolovnim alatima koji su propisani članom 9. Pravilnika i koji se koriste za lov salmonida. Iznimno na HA Salakovac i Mostar može se dozvoliti lov šarana posebnim ribolovnim alatom za šarane i to gruntanjem, bez upotrebe plovka s maksimalno dva ribolovna štapa sa po dvije udice.

6.

Na jezerima se prema članu 10. Pravilnika pri vršenju sportsko-rekreativnog ribolova na sve vrste riba osim salmonida mogu koristiti svi

prirodni i umjetni mamci, osim ikre. Strogo je zabranjeno loviti ribu uz uporabu strane (alohtone) vrste ribe (žive ili mrtve) kao mamca.

DOZVOLE ZA SPORTSKI RIBOLOV

U skladu sa članom 19. i članom 24. Zakona o slatkovodnom ribarstvu Federacije BiH (Sl. novine F BiH, br. 64/04) i sa Pravilnikom o obliku i sadržaju obrasca dozvola za sportsko-rekreativni ribolov i Pravilnikom o izmjenama Pravilnika o obliku i sadržaju obrasca dozvola (koji se primjenjuje od 01.01.2023.g.), kojim je propisano da se sportski ribolov obavlja na osnovu dozvole za obavljanje sportskog ribolova koju izdaje korisnik ribolovnog prava - USR „Neretva 1933“ obavještava sve svoje članove-sportske ribolovce o izdavanju dozvola:

Godišnje dozvole za sportski ribolov se izdaju:

- u prostorijama Udruženja sportskih ribolovaca “NERETVA 1933” Mostar, na adresi: Mostar, Telčeva br. 1,
- svakim radnim danom u vremenu od 08,00 do 14,00 sati.

Dnevne i vikend dozvole za sportski ribolov se izdaju:

- USR “Neretva 1933” Mostar (radnim danom od 08,00 - 14,00 sati)
- Konoba Vidova Grabovica
- Restoran Vidikovac - Drežanski most
- Caffè bar ToGo Petrol Željuša
- Restoran Most Blagaj
- Julijana Bevanda u Ribooprema Bevanda Mostar, Kneza Višeslava 10

- Uplatom na račun USR “NERETVA 1933” Mostar sa **obavezno upisanim datumom obavljanja sportskog ribolova.**

a) Uplatom preko banke ili pošte - primjer popunjavanja - UPLATNICA

Uplatilo je	PREZIME I IME, ADRESA, TELEFON lica koje vrši uplatu-sportskog ribolovca JMBG – upisati svoj matični broj
Svrha doznake:	RDD20 ili RVD40 za _____ (datum-obavezno upisati datum kada će obavljati sportski ribolov)
Primatelj/primaoc:	USR „NERETVA 1933“ MOSTAR
Račun primatelja/primaoca:	3381302231983393
Iznos koji se uplaćuje:	20,00 KM ili 40,00 KM
Mjesto i datum uplate:	upisati podatke

b) Uplatom preko online bankarstva-pr. popunj.- ELEKTRONSKA UPLATNICA

POŠALJI POTVRDU O PLAĆANJU (obavezno poslati na e-mail adresu)	
E-mail adresa primaoca:	usrneretva1933@hotmail.com

U skladu sa članom 11. Pravilnika o obliku i sadržaju obrasca dozvola za sportsko-rekreativni ribolov utvrđena je visina naknade za dozvole:

- A) **Za državljane Bosne i Hercegovine i strane državljane za ribolov u svim ribolovnim vodama, osim u posebnim revirima:**
- **DNEVNA DOZVOLA – 20,00 KM**
 - **VIKEND DOZVOLA – 40,00 KM**
- B) **GODIŠNJE DOZVOLE koje izdaje korisnik ribolovnog područja/zone svojim članovima koji imaju položen ribarski ispit, utvrđuju se slj. naknade:**
- **za državljane Bosne i Hercegovine i strane državljane sa stalnim prebivalištem u Bosni i Hercegovini:**
 - ❖ **100,00 KM - za članove od 18 – 65 godina života;**
 - ❖ **50,00 KM - za članove od 14 – 18 i preko 65 godina života;**
 - ❖ **25,00 KM - za članove do 14 godina života.**
 - **za državljane Federacije Bosne i Hercegovine:**

- ❖ **50,00 KM - za penzionere; invalide; lica sa poteškoćama u razvoju; nezaposlene osobe; studente; ribolovce ženskog spola; (uz predočavanje dokaza statusa)**

Za izdavanje godišnjih ribolovnih dozvola starim i novim članovima, potrebno je da isti ponesu:

- **Kopiju lične karte/osobne iskaznice** (i stari i novi članovi), na kojoj novi članovi (radi popunjavanja pristupnice) trebaju da napišu slj. podatke: ime oca, adresa stanovanja, broj telefona i zanimanje
- **člansku knjižicu** (samo stari članovi);
- **2 fotografije vel. 2,5x3,5 cm** (novi članovi; stari članovi kojima je potrebno izdati novu člansku knjižicu)
- **dokaz statusa:**
 - penzioneri - kopija odreska zadnjeg mjeseca penzije
 - invalidi - potvrda o invalidnosti iz BIZA, a civilni invalidi i lica sa poteškoćama u razvoju - potvrda iz Centra za socijalni rad
 - nezaposlene osobe – potvrda nadležne službe za zapošljavanje ne stariju od 30 dana
 - studenti – potvrda o studiranju ne stariju od 30 dana
 - žene – kopija lične karte
- **odgovarajući iznos propisane naknade za godišnju dozvolu u skladu sa propisima;**
- **iznos od 9,00 KM – članarina po skupštinskoj odluci za sve članove;**
- **ribolovnu godišnju dozvolu iz prethodne godine i istu dostaviti do 31.01. tekuće godine** (samo stari članovi).

OBAVEZE I PRAVA RIBARA

Prava i obaveze ribolovaca su propisane važećim zakonskim propisima, te se iste moraju poštovati i provoditi. **Ribu na ribolovnim vodama u sportskom ribolovu smiju loviti ribolovci koji imaju ribolovnu dozvolu za ribolovno područje/zonu u kojoj obavljaju ribolov. Prije izlaska na ribolovnu vodu, ribar obavezno upisuje datum izlaska i naziv ribolovne vode u obrazac „ribolovni dan“, a na kraju ribolovnog dana ribar obavezno upisuje dnevni ulov za svaku vrstu ribe posebice, količinu i težinu ulovljene ribe u obrazac „popis ulova“, a u slučaju neupisivanja navedenog smatra se da ribar nema ribolovnu dozvolu.**

Obaveza i dužnost svakog sportskog ribolovca je da obavijesti ribočuvara o svakom nedopuštenom ribolovu, onečišćenju voda, zagađenju okoliša, kao i ostale pojave koje ugrožavaju biljni i životinjski svijet na području ribolovnih voda ribolovne zone Mostar.

LAKŠE POVREDE DISCIPLINSKE ODGOVORNOSTI

1. Neprimjeren označavanje i polaganje prava na vlastito mjesto,
2. Onečišćenje okoliša i odlaganje smeća i ostalog otpada,
3. Nekomolirana sječa drveća i drugih biljaka,
4. Ometanje drugih sportskih ribolovaca,
5. Nedolazak na radnu akciju koju je organiziralo Udruženje,
6. Nevođenje evidencija izlaska i upisivanje ulova u knjižicu,
7. Ostale radnje koje mogu prouzrokovati štetu i kompromitirati Udruženje.

Za navedene disciplinske povrede izriče se mjera opomena i opomena pred isključenje. Ukoliko ista osoba ponovo učini istu povredu u roku od šest mjeseci primjenjuje se odredba člana 2. stav 1. točka 3.

TEŽE POVREDE DISCIPLINSKE ODGOVORNOSTI

1. Obavljanje ribolova bez godišnje ili dnevne dozvole korisnika ribolovnog prava,
2. Obavljanje ribolova nedozvoljenim sredstvima i alatima,
3. Obavljanje ribolova u prirodnim plodištima označenim kao takve,

4. Obavlja ribolov u vrijeme lovostaja,
5. Obavlja ribolov iz čamca i drugih plovila,
6. Odnosnje ribe preko dozvoljene dnevne kvote ulova, dozvoljene duljine ribe i stavljanje u promet ulovljene ribe.
7. Vulgarno ponašanje i odbijanje identifikacije i druge radnje koje ometaju rad ribočuvara,
8. Ostale nelegalne radnje koje su regulirane Zakonom o slatkovodnom ribarstvu, pravilnicima i odlukama Udruženja, a nisu navedene ovim Pravilnikom također će biti sankcionirane.



UDRUZENJE - UDRUGA SPORTSKIH RIBOLOVACA NERETVA 1933 MOSTAR

Adresa: Telčeva br.1, 88000 Mostar, Bosna i Hercegovina
Transakcijski račun: Unicredit bank, 3381302231983393
ID: 4227691620009, PDV: 227691620009
tel/fax: +387 36 319 063.
e-mail: usrneretva1933@hotmail.com http://www.neretva1933.ba

BISTRO u 2023.g.

Na temelju člana 10. Zakona o slatkovodnom ribarstvu („Službene novine Federacije BiH“, broj 64/04) i člana 40. Zakona o Slatkovodnom ribarstvu HNŽ/K (Službene novine broj 4/14) i članka 6. Ugovora o ustupanju ribolovnoga prava USR „Neretva 1933“ Mostar, na djelu ribolovnoga područja - ribolovne zone Mostar u svrhu bavljenja sportsko - rekreacijskim ribolovom, Ministarstvo poljoprivrede, šumarstva i vodoprivrede HNK/Ž ustupilo je korisniku ribolovno pravo, ugovor br. 11-03-20-344-1/21 od 26.04.2021.god., na temelju koga USR „Neretva 1933“ nastavlja da gospodari na sljedećim vodama:

- Hidroakumulacija Grabovica od granice sa Jablanicom iznad Begić i Begović mosta,
- Rijeka Grabovka,
- Hidroakumulacija Salakovac,
- Rijeka Drežanka,
- Rijeka Neretva nizvodno od Salakovca,
- Hidroakumulacija Mostar,
- Rijeka Neretva nizvodno od hidroakumulacije Mostar do granice sa opštinom Čapljina,
- Rijeka Radobolja,
- Rijeka Lištica od granice sa opštinom Široki Brijeg,
- Hidroakumulacija Mostarsko blato,
- Rijeka Jasenica,
- Rijeka Buna,
- Rijeka Bunica.

KODEKS PONAŠANJA

Učlanjenjem u Udruženje preuzimaju se prava i obaveze koje proističu iz Zakona o slatkovodnom ribarstvu, Pravilnika, Statuta udruženja i odluka Udruženja. U slučaju nepoštivanja uvedenih zabrana primjenjuju se kaznene odredbe koje su propisane Federalnim zakonom o slatkovodnom ribarstvu i Pravilnikom o disciplinskoj i materijalnoj odgovornosti sportskih ribolovaca – članova USR „Neretva 1933“ Mostar.